



**Les Fleurs Des Vies Des Saints Et Des Festes De Toute  
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles  
Borromeo, & de Sainte Françoise ; Avec le Martyrologe Romain, pour  
tous les iours de l'Annee ...

**Ribadeneyra, Pedro de**

**Paris, 1631**

XVII La vie de saint Anicet Pape & Martyr.

---

[urn:nbn:de:hbz:466:1-75749](https://nbn-resolving.org/urn:nbn:de:hbz:466:1-75749)

en ses Annotations, & plus au long dans le sixiesme Tome deses Annales.

les autres qui font mention des Papes, ont escrit d'anicet.

17.  
AVR.

A Coranthe decederent les Saints martyrs Calliste, Charité, & autres sept, lesquels furent iettez dans la mer. A Sarragosse ville d'Espagne dix-huit martyrs, Optat, Luperque, Successe, Martial, Vrbain, Inles, Quincilian, Public, Fronton, Felix, Cerial, Euenice, Primus, Apodeme, & autres quatre, qui auoient le mesme nom, scauoir est Saturnin. Tous lesquels furent tourmentez & martyrisez sous Dacian Gouverneur d'Espagne. Prudence Poeta a fait un bel Hymne en leur louange. Item saint Caie & Cremence, lesquels ayant deux fois confessé nostre Sauueur, gaignerent le prix du martyre. A Palence ville du Royaume d'Arragon en Espagne, trespassa S. Thoribie Euesque d'Astorge, lequel à la faueur du Pape Leon, extermina du tout l'heresie des Priscilliansistes laquelle regnoit en ce quartier là, & ayant fait plusieurs miracles reposa en paix. A mesme iour mourut S. Paterne Euesque d'Amanches en Normandie. A Valencien en Flandres saint Dragon Confesseur, qui a fait plusieurs miracles.

LA VIE DE SAINT ANICET, Pape, & Martyr.

**A**R la mort du saint Pape Pie I. du nom, & martyr, saint Anicet luy succeda. Il estoit Syrien de nation, fils de Iean de Bice-Humisa, lequel fut pape onze ans quatre mois & trois iours, selon platine en sa vie, & selon

le Cardinal Baronius, neuf ans moins trois mois & sept iours, sous l'Empire de Marc Antonin Verus, & de Luce Aurele Commode son frere. Anicet fut vn tres-saint pape, qui merita la couronne du martyre, mourant pour Iesus-Christ, il fut enterré dás le cimetiére de Calixte le dix-septiesme d'Auril, auquel la sainte Eglise celebre sa feste. Il mourut l'an de nostre Seigneur cent soixante-cinq, selon Baronius. Il tint cinq fois les Ordres au mois de Decembre, & y fit dixsept prestres, quatre Diacres, & neuf Euesques. Du temps de ce saint pape, S. Policarpe vint à Rome, qui estoit Euesque de Smyrne, disciple de Saint Iean l'Euangeliste, & comme Pere & gouverneur de toutes les Eglises d'Asie, pour conferer avec luy du temps auquel les Chrestiens deuoient celebrer la feste de Pasques, de peur de se rencontrer avec les Iuifs comme nous auons dit en la vie de saint Policarpe. Egesippe vint aussi à Rome: c'est vn ancien Historien, qui viuoit immediatemét apres les Apostres, lequel a escrit l'histoire Ecclesiastique, d'vn stile plein & fluide, depuis la Passion de nostre Seigneur, iusques à son temps. Nous trouuons vne Epistre Decretale de saint anicet aux Euesques de France, en laquelle il comande plusieurs choses saintes aux Euesques, archeuesques, Metropolitains & Primats, & ce qu'ils doiuent faire par entr'eux: finalement il ordonne que les Clercs ne porteront point les cheueux longs, & qu'ils se conformeront à la doctrine de l'apostre saint Paul. Car tout ainsi que le Clerc doit estre distingué en la vertu & conuerfation d'avec le seculier lay: de mesme il le doit estre en son habit, & en sa cheuelure. Saint Damase, Platine, &

A Rome deceda saint Anicet Pape & martyr, successeur de Pie, lequel ayant long-temps combattu contre les heretiques, receut la couronne du martyre durant la persecution de M. Aurele Antonin, & Luce Vere. En Affrique saint Mappalique martyr, lequel comme escrit saint Cyprian, fut martyrisé avec plusieurs autres. Là mesme les Saints Fortunat & Marcián. En Antioche saint Pierre Diacre, & Hermogenes son seruiteur, martyrs. A Cordoué en Espagne, moururent les Saints martyrs Elie Prestre, Paul & Isidore Moines. A Vienne S. Pantagathe Euesque. A Tortone ville de Lombardie, saint Innocent Euesque & Confesseur. A Cistaux saint Estienne Abbé, qui demoura le premier en celieu desert, & recent ioyeusement saint Bernard & ses compagnons venans à luy, par le moyen desquels il dressa plusieurs Monasteres.

A Rome se fait la feste de S. Apollone Senateur, lequel sous l'Empereur Commode, & le gouverneur Perenie, ayant esté traistrement descouuert & accusé comme Chrestien, par vn sien seruiteur, receut commandement de rendre compte de sa foy, & à ces fins composa vn beau liure qu'il leur en pleine assemblee du Senat, & neantmoins fut sans autre forme de procez, condamné à auoir la teste tranchée. A Mesme deceda saint Eleuthere Euesque de Selanonie, lequel estant homme de grande sainteté, & renommé par ses miracles, endura du temps de l'Empereur Adrian, vn lit de fer rouge de feu, la grille posée à fríre pleine d'huile, & poix-resine bouillante, la fut exposé aux lions, sans recevoir aucun dommage de tous ces tourmens, & en fin fut estranglé avec sa mere Euanthie, Au mesme lieu saint Corebe gouverneur, ayant esté conuerty à la Foy par le susdit Eleuthere, eut la teste tranchée. A Sarragosse en Espagne, sainte Eucrarie vierge & martyre, apres auoir enduré diuers tourmens, & perdu l'vne de ses mammelles qu'on luy couppa, fut detenué en prison, iusques à ce que par le moyen de ses playes tout son corps fust pourry. A Cordoué mourut saint Prefet Prestre, massacré par les Mores, parce qu'il preschoit contre la secte de Mahomet. A Milan saint Galdin Euesque, ayant finy son Sermon contre les Cathares heretiques rendre l'esprit à Dieu. A Bins en Haynant, deceda saint Vrsmer Euesque & Confesseur.

A Coranto deceda saint Timon l'un des sept premiers Diacres, lequel resida quelque temps à Berce, en seignant le peuple de la ville, & puis preschant l'Euangile; fut à Coranto, ou les Grecs & Iuifs le ietterent dedans le feu, duquel il ne receut aucun dommage, puis le crucifierent. A Melitine ville d'Armenie, les saints Hermogenes, Caie, Expedite, Aristonius, Ruse, Galata, qui furent couronnez du martyre en vn mesme iour. A Perge ville de Pamphlie trespasserent saint Theodore & Philippe sa mere: S. Theodore fut crucifié, & vescut trois iours sur la Croix: sa mere fut decolée. A mesme iour moururent saint Socrates, & Denys, qui furent tuez à coups de lances. En Hierusalem saint Paphnuce martyr. En Antioche ville de Pisidie, saint George Euesque, lequel mourut en exil pour l'honneur deu aux Images. A Cantorbie en Angleterre saint Ephege, Euesque & martyr, qui de son viuant & apres sa mort a fait plusieurs miracles. A Rome saint Leon Pape IX. du nom, lequel succeda à Damase II. & fut renommé pour sa sainteté & miracles.

A Rome se fait la feste des Saints Sulpice & Seruilian, lesquels ayans esté conuertis par les remonstrances & miracles de sainte Domitille vierge, & refusant de sacrifier aux idoles, eurent la teste tranchée par sentence d'Anian Gouverneur de ladite ville. A mesme iour endurerent les SS. martyrs, Victor, Zorique, Zenon, Acindine, Cesarie, Seuerian, Chrysophore, & Antonin sous l'Empereur Diocletian. A Tomes en Scythie saint Theotime Euesque, reneré par les Payens mesme pour sa sainteté & miracles. A Ambrun en Prouence deceda saint Marcellin premier Euesque dudit lieu, lequel estant enoyé de la part de Dieu, vint des quartiers d'Affrique avec ses compagnons Vincent & Domin, & par ses predications &

18.  
AVR.

19.  
AVR.

20.  
AVR.